

貴州教育官報

no. 8

貴州省圖書館

no. 8

宣統元年七月出版

貴州教育官報

原第二十八期

貴州學務公所印行

宣統元年四月出

卷二十八

諭旨

宣統元年六月十五日奉

上諭本日引見之辦學期滿翰林院庶吉士張琴著授職編修欽此

監國攝政王鈐章軍機大臣署名奕劻世續張之洞

假鹿傳霖那桐差

六月二十八日奉

上諭本日引見進士館畢業學員考列中等之吏部主事魏元戴著以原官留部補

用欽此

監國攝政王鈐章軍機大臣署名奕劻世續張之洞

假鹿傳霖那桐差

己酉年貴州教育官報第八期目錄

諭旨

宣統元年六月十五日至二十八日

諭旨共二道

奏議

學部會奏查明唐山路礦學堂罷學情形並酌擬整頓辦法摺

學部奏游學畢業生 廷試錄用中書擬准其改就小京官知縣摺

學部奏遵議直隸高等農業學堂畢業生應改照中等實業學堂給獎摺

學部奏高等實業豫科改照中等實業功課教授並限制中等實業畢業改就

官職片

學部奏請將編修繆荃孫候選道嚴復調在本部丞參上行走片

學部奏議覆四川優級師範學生畢業請獎摺

撫部院龐附奏貴筑縣屬孀婦周袁氏姑媳捐款辦學請給予字樣建坊片

文牘

學部筭京師大學堂師範班第一次畢業須將服務情形約分三項造冊報部等因行司遵照辦理詳覆文

撫部院札准江蘇撫部院咨據提學司詳常昭二縣公立高等小學堂畢業試卷義理悖謬請分別懲儆一案行司轉飭文

撫部院批據普安縣稟籌辦該縣學務各情形一案行司轉飭遵照文

撫部院批據定番州稟報南一區擺金場開辦初等小學堂一案行司查核分別給委教員並飭遵照文

撫部院批據古州廳稟籌款開辦高等小學一堂請派堂長教員一案行司查核辦理飭遵文

本司詳院據舉人樂嘉藻稟覆遵章移獎子姪封銜清摺轉詳請獎文

本司照會優級師範學堂並移法政學堂奉學部電飭將高等各頂學堂期考
試題造冊送部等因轉移造送文

本司札發各屬各學堂另刊履歷分數表及學期分數表文

本司奉學部筭具奏酌量變通初等小學章程並變通中學課程通飭各屬遵
照辦理並詳擬簡明辦法刷印告示飭屬張貼曉諭文

本司札委省視學員李慶春查視上游各屬學務文

本司批牘彙登

論說

論小學校之教授國文

謂小學校以上教授國文

學術

單式學級及複式學級之編制

惡癖兒童之管理方

規制

貴州礦業中學堂章程

報告

貴州貴陽府開州屬官立

高初

等小學堂報告表

貴州貴陽府修文縣

官立

私立

高初

兩等小學堂報告表

雜錄

論英國之教育

奏議

學部會奏查明唐山路礦學堂罷學情形並酌擬整頓辦法摺

奏爲查明唐山路礦學堂罷學情形並酌擬整頓辦法恭摺會陳仰祈 聖鑒事

本年閏二月十五日准軍機處片交本日欽奉 諭旨御史江春霖奏直隸唐山

路礦學堂革退學生太多請飭查辦一片著學部會同郵傳部查明具奏欽此欽遵到部當由學部派右參議戴展誠郵傳部派左參議李稷勳各帶司員會同往查旋據該參議等查覆前來臣等詳加考核如原奏總辦文科進士熊崇志扣給津貼致將學生一百六名全行革退一節查該學堂原招甲乙班學生按名皆給津貼後有裁改限制之議學生等先後要求經郵傳部批准照舊給獎爭論遂息至此案之緣由則在升級一事上年年終大考洋教員阿德利等與該總辦熊崇志商議必學生各種科學確能及格始可升級若考試平均雖及五十分而有一門不及三十分者驟予升級恐根柢不深將來畢業難資實用該總辦仍令不及格各生再行補考一

次以定等差學生等恐補考仍不及格以致全體要挾糾衆罷學再三勸諭始終抵抗不遵該總辦稟准郵傳部先將不遵補考業已降班之學生三十九名革退其毋庸補考及業已補考各生仍展期限上堂受課乃至期上堂者僅有四名其餘六十六名抗違如故遂復將此六十六名全行斥退此該學堂兩次斥革學生之實在情形也該御史不言升級但言津貼自係傳聞之誤又原奏常年費至十萬兩年虛擲二十餘萬向誰取償一節查該學堂額支經費每年不過五萬餘圓此次斥革學生係因學生聚衆罷課始終違抗舍全體斥退別無辦法耗費雖多勢難顧惜光緒三十三年十月學部謄覆編修陳驤條陳整頓學務摺內曾經奏明嗣後京外各學堂如有糾衆罷考情事其爲首滋事之學生即行斥革抗不遵辦者即全體解散亦所不值是該總辦辦理並無不合惟原奏謂學生肄業及二年者已居大半半途而廢究屬可惜等語敦重學業愛惜人才用意頗厚臣等已飭令該總辦復行查詢除爲首各生不准回堂外其餘各生如係被人迫脅准於十日內取具悔過切結酌予收

錄現在學生等回堂上課者已有八十餘人似此分別辦理已足以示懲戒而崇志辦理此事既無不合應請毋庸置議至該學堂名爲路礦分門實則學生人數既少程度又至不齊現今可以升學者不過三分之一若再分設兩門必致零星分班需費多而實益少且升學各生認習礦學者僅有數人萬難特立一班應將現年兩班學生概令習鐵路工程不必分習礦學俟以後人數增多再議推廣至其年限課程除現在甲乙兩班肄業將及二年且未經議及獎勵仍令照舊辦理外自本年始再招新班學生亟應更求切實之方以期深造謹酌擬整頓辦法四條爲我

皇上陳之一年限宜加長也該學堂現定四年畢業二年習路礦公共科二年習路礦專門科夫以至短之時期攻高深之科學躡等求進終必扞格無成此次考試分數不足而強求升級正坐此弊擬將肄業年限酌量展長定爲七年由粗入精循序漸進前三年程度較淺可爲謀生之資後四年造詣漸深可收實用之效一等級宜釐定也查該學堂雖爲路礦專門而學生之資格學堂之等級未經嚴覈確定擬令

分爲中等科高等科兩項辦法中等科爲應急需起見招選學生不論資格專論程度凡中國文外國文算學格致圖畫歷史地理已有門徑者考驗合格准其入學三年畢業不給獎勵此科教員應以游學外國路礦專門畢業生爲主如游學生不可多得亦可參用外國教員高等科爲造專精人才起見考選學生應儘中等科畢業生升入其各省各項中等學堂畢業生亦可考入四年畢業照高等實業學堂獎章給予獎勵此科教員應以外國工學博士學士精於路礦者爲主而以游學畢業生輔之其中等高等兩科課程應由學部會同郵傳部擬訂奏明辦理一設備宜完全也查該學堂自郵傳部接辦以來力求擴充然閱時未久尙難遽備化學實驗室頗狹藥品材料不多僅敷中等專門之用堂內之實習工場礦產陳列室未及設立其實各種機械器具及教授參考所需圖畫標本模型亦待購置學生授課大率理論多而實驗少雖附近有鐵路工廠開平礦廠僅可偶一參觀不能供朝夕之研究其齋舍僅容百五六十人講堂僅有七所即現在學生概行升入專科已不敷用是設

原书缺页

備均不可緩也設備之詳略爲學術得失所關應由郵傳部籌措的款奏明辦理一
管理宜加嚴也該學堂在荒僻之區勢不能不設宿舍然羣居難處非設爲規律深
恐約束難周該學堂管理各員頗多缺略亟應遵照奏章大加整頓擬將總辦照章
改爲監督并分設教務長齋務長各一員教科務求整齊管理尤貴嚴肅學生有違
犯學規濡染惡習者照學堂禁令章程認真辦理并由學部派視學官隨時考察如
堂內各員有不稱職者會商郵傳部立即撤換凡此四條均就該學堂利弊所在籌
整頓之法爲久遠之圖方今京漢鐵路已收回全國幹支各路興築日廣而各省礦
產開採鍊冶在在需才尤宜就該學堂已有之規模力求完善庶幾此項人才不匱
於用挽利權而開生計爲益莫大於此如蒙 俞允即由臣等遵奉施行所有查
明唐山學堂罷學情形並酌擬整頓辦法緣由理合恭摺會陳伏祈 皇上聖鑒
再此摺係學部主稿會同郵傳部辦理合併聲明謹 奏

學部奏游學畢業生 廷試錄用中書擬准其改就小京官知縣摺

奏議

三

一己酉年第八期

奏爲游學畢業生 廷試錄用中書擬准其改就小京官知縣以裨庶政而勵人才

恭摺仰祈

聖鑒事光緒三十三年十二月二十日憲政編查館會同臣部奏准

游學畢業生

廷試錄用章程內開凡經學部考驗列最優等 廷試列一等者請

賞給翰林院編修或檢討經學部考驗列最優等

廷試列二等者請

賞

給翰林院庶吉士俟三年期滿由掌院學士奏請分別授職經學部考驗列最優等

廷試列三等者與經學部考驗列優等

廷試列一等者均請

賞給主事經

學部考驗列優等

廷試列二等者與經學部考驗列中等

廷試列一等者均請

賞給內閣中書經學部考驗列優等

廷試列三等者請

賞給知縣分省

即用經學部考驗列中等

廷試列二等者請

賞給七品小京官經學部考驗

列中等

廷試列三等者請

賞給知縣分省試用等語本屆

廷試自應遵照

定章辦理惟查內閣中書一項額缺無多而本年

廷試各生照章應以中書用者

有二十七名之多該生等到閣以後非第補缺無期且終年除值宿數次之外別無

所事是雖有錄用之名而實置之閒散似非鼓勵人才之道查從前 殿試後所用主事中書本准其改就知縣進士館畢業考列最優等優等者亦准其比照考列中等者改就知縣方今內而各部外而各省需用新政人才皆苦不足而本屆 廷試各生照章應以主事小京官知縣用者轉不甚多以之分發各部各省爲數尤屬無幾臣等公同商酌所有應以中書用之各生其自願降就他職者擬准其呈請吏部改爲小京官分發各部或改爲知縣分發各省即用仍照 廷試錄用班次一體叙補似於興辦新政鼓勵人才之道兩有裨益如蒙 俞允俟奉 旨錄用後即由 吏部咨行吏部遵照辦理所有 廷試應以中書用之各生擬准其改官緣由謹恭摺具陳是否有當伏乞 皇上聖鑒訓示謹 奏

學部奏遵議直隸高等農業學堂畢業生應改照中等實業學堂給獎摺

奏爲遵議直隸高等農業學堂畢業學生應改照中等實業學堂畢業給獎恭摺仰祈 聖鑒事上年十二月十九日內閣鈔出直隸總督具奏直隸高等農業學堂

各生畢業懇照章給獎一摺奉

旨該部議奏欽此欽遵鈔交到部原摺內稱高

等農業學堂本科第一班學生自考取入堂至上年十一月間肄習豫科二年本科三年期滿奏定章程高等農業學堂豫科一年本科四年今該堂豫科二年本科三年因開辦未奉奏章故肄業一年之後仍名豫科實則第二年豫科課程已將本科課程參入與定章並無歧異且畢業考試與四年程度相符最優等請作爲舉人以知州用優等請作爲舉人以知縣用中等請作爲舉人以州同用等語查學堂給獎應以程度爲衡高等實業尤以實習爲重當經臣部咨取該學堂畢業考試試題及實習科目考驗分數送部備核茲准覆稱該學堂實習辦法係遣往各省辦理農事並未考驗因即派員將咨到試卷分科覆閱據稱各科程度皆甚低淺僅足與中等農業學堂程度相當查定章高等農業學堂豫科一年本科四年以中學堂畢業學生升入爲合格其變通考選之學生應先補習中等普通學二年始准升入本科該學堂學生既非由中學堂畢業升入所習豫科二年僅足補習中等普通學本科年